

《中國地方藝文薈萃》編委會 編

中國地方藝文薈萃

學苑出版社

華東卷·第九輯 詩

華東卷·第九輯

肆

中國地方藝文薈萃

《中國地方藝文薈萃》編委會 編

貴州师范学院内部使用

淮海英靈續集十二卷（二一）

貴州师范学院内部使用

淮海英靈續集十二卷（二）

（清）阮亨（清）王豫輯

據清道光間刻本影印

淮海英靈續集

鄉人阮亨輯

李光國

字定齋興化貢生乾隆丙辰薦舉博學鴻詞

詠史

春秋號博物吳札鄭國僑一百四十年屈指亦寥寥後世盛
文采普天產英豪胸羅瑯環富下筆傾波濤駝裝走都令多
似九牛毛乃知古無書諺云秦火燒太冲真純漢十載空推
敲

司馬愛巾幘用柔以制剛可憐沓沓夫緣斯學包荒好官自
爲之千年藝瓣香寄語長樂老笑罵豈尋常春秋重斧鉞庖
丁善刀藏爾樂身名泰安富壽且康新臺刺燕婉不爲倚門
娼

朱宗大

字直方寶應諸生舉孝廉方正王又村云直方博
恭亨之家學得慕韓之師承沈文愨序其壽藤集

調格律高整風神綿遠冲和似左
司校潔如子厚餘亦類大歷十子

寄懷衣閨

美人渺天末嘉會良無期聚時弗覺歎別來方苦悲秋空露
凝袂夕軒風切肌其心生遠聽臨身軫前思

江上寄毘陵楊孝廉

海嶽樓邊秋月輪瓜洲城外水歎歎一聲南雁三更笛何處
青山是故人

明月高樓烏夜飛夢回霜氣入重帷錦衾自暖那能覆人在
天涯當授衣

秋夕懷劉又徐

窮巷少來轍索居唯掩扉涼生幽院早荒陲暝烟微芳序今
又暮故人猶未歸無因展良覲惻惻行音微

秣陵秋夕有懷

昔共秦淮客，春風蕩畫橈。今來板橋畔，落葉滿寒潮。茂序何
超忽，歡娛悵寂寥。徘徊明月下，空度可憐宵。

徐寅亮

字亦陶，號直生。又流寓莊元惠弟乾隆己未進士。官山東道監察御史。張寄槎云：筠莊在諫垣條奏

皆裨民生國計。如言河工欲取王母山石作碎石，且堰堤共一也。

幽居卽事

連朝零雨透處處，登莓苔益試新栽。藕瓶抽舊插梅，卻逢村
醖熟，正好故人來。聊復樂終日，何妨笑口開。

將之都門留別鶴山卽送其歸里

江上歸帆起暮陰，幾回絮語動沉吟。文章千古名山事，燈火
三冬舊雨心。南國已憐烟水濶，朔方况隔雪霜深。送君饒得
君相送，此際離鷗且共斟。

劉世謨字步辛號餘齋寶應人乾隆辛酉舉人孝廉精易理多所發明與王白水希伊偕同善會以德望著

同人過縱棹園懷沛餘

今日碧溪水依然漲白蘋可憐庭畔樹曾伴苦吟身沛餘會讀書園

中泉下無消息平生幾故人行行懷往事相對欲沾巾

寄四弟靖江

老去逾知兄弟好歸來方信別離難淮南今夜明明月倚欄

高樓十二欄

劉世謨字仿魏號夢野世謨弟貢生官靖江訓導舉孝廉方正辭不就

暮春感懷

謝客經旬春已闌老人遲起畏朝寒齒稀但覺魚蔬好腳軟
方知拜跪難小飲數杯偏易醉垂簾竟日轉忘安何時更逐
東風裏柳綠桃紅放眼看

王文泗

字東山號榕臺儀徵諸生嗣父國珍乾隆辛酉舉人

文泗幼聰穎未成童即受知彭文勤錢撫棠侍郎歲試擬充選貢科考

文泗已故士論惜之

古渡橋同眉生晚步
疎柳長堤上晚潮詩情偏愛景蕭蕭城南一角秋如許落日

西風古渡橋

程

基

字奉源號浚香江都人著雅存小草姚立堂云浚香詩於溫柔敦厚之中寓窮愁抑鬱之致邇為之也

贈年瘦生

富貴浮名耳將軍幸有孫風塵餘寶劍涕淚掩柴門畫裏青山賤名成白髮尊相逢惟飲酒往事不須論

甲午除夕懷全椒汪草亭

又是一年盡人忙我獨閒飢寒累妻子風雪夢關山有客招

不得故園欣早還相違無好況莫怪寄書慳

張

馨

字秋芷臨潼籍江都人乾隆甲子本省解元乙丑進上官編修改御史與其弟松坪太史同舉於鄉

翰林時日為雙璧假歸不復出築十畝園延接名流如王梅泝金壽門秦西巖諸公絃詩門酒殆無虛日其侄孫步渠侍御占籍江都惜詩稿散佚僅就詩徵錄入

臨潼秋色

何處高秋色新豐領上頭驪山排樹出潼水繞城流霜肅風

應歛雲橫寺欲浮江南無此境鄉思遠悠悠

方汝謙

字牧園通州人乾隆丁丑科進士官高安知縣著白雲山樵詩

秋砧

涼風飄木葉之子歎何深不共閨中月難為塞上心數行傳

遠雁雙淚落清砧試向空林聽淒淒一片音

秋懷

霜砧淒緊欲寒天，願我無衣一惘然。
鄉思半添蕉雨後，宦情先冷菊花前。
閉門種菜悲今日，結客登場憶往年。
到底劉平終倔強，逢人羞說辦裝錢。

黃國豫

字斯蒞，號懋艇，一號秋巖。如皋貢生，官揚州府訓導。

擬登攝山未果

烟外棲霞近，捫蘿興轉濃。
擬從千佛嶺，一問六朝松。
古殿供香茗，疎林過晚鐘。
徘徊大江夕，幽夢落高峰。

史克繹

字常武，江都諸生，著扣角集。

送賴說巖

一唱騷歌一點然，河橋弱柳不堪牽。
塵昏敗驛朝嘶馬，月照孤篷夜聽鶉。
林外已無金彈落，壁間惟有玉簫懸。
鶯花三月揚州好，還趁西江下瀨船。

任基振

字領從立已孫乾隆己丑進士官吏部員外崇祀鄉賢著爾雅補箋訂正玉海松齋集蒲褐山房詩

話云松齋少以詩古文名通六書官京師儲居蕭寺每自署歸杜門謝客忍餓研經清苦之况人所不堪時論

之高

山陰道中

晉代風流溯剡溪千年遺跡草萋萋綠楊城郭殘烟裏只有

黃鸞盡日啼

方椿齡

字鏡莊一字蘭樓儀徵諸生蘭樓詩雖未見全集王少休稱其日事吟咏頗窺古人堂奧如村荒厖

吹月亭靜鳥依人林空涼見鳥雲靜不知霜皆佳句也

白下贈朱草衣

交盡知名士風流處處標才多雙眼白吟苦一肩高劍與身

借隱詩兼酒自豪可憐惟弱女相伴住江皋

吳本錫

字汝菴號舊浦甘泉人乾隆丁卯舉人官潁州府教授選馬平縣知縣著松下清齋集廖大問云舊

浦詩於沉着處見精采於高淡處見丰神所謂天半朱霞雲中白鶴非凡品也

黃河渡口晚泊

漸喜鄉關近誰憐儒術疎風塵淹此夕松菊憶吾廬流水難成夢浮雲莫寄書升沉二三子回首渡河初

古意

妾心如荷葉郎心葉上露殷勤相捧持旋轉不得住

陳

松

字本長號石橋如舉人乾隆丁卯舉人官浣江知縣著歷巖山人集

東皐竹枝詞

三月垂楊踈地長尋春歌管醉春塘兒郎生小憐風雅愛說當年冒辟疆

喬大椿

字仙圃號損山寶應人乾隆丙子舉人官知州

舟過采石望太白樓

絕壁枕江樓蒼茫湖勝遊潮聲寒向夕石氣翠橫秋明月一樽酒長風萬里舟斯人不可見鼓柁迴含愁

姚修珩

字曉嵐寶應人與陶養人劉鹿沙喬竹湄稱安宜四子

伴山堂

春色晴愈好幽居到處同竹遮穿戶月花捲撲簾風碎語翻新燕游絲挂小蟲倚欄心欲醉取次入詩筒

高本立

字台書江都人

陳滄洲先生出瘞鶴銘於江中賦呈

瘞鶴名山定是仙銘題峭壁知何年一朝轟墜不獲見遊人到此心茫然先生信是補天手憑虛奪自蛟龍口臨江築亭嵌苔壁斯銘應並雙峰壽

余

瀛字觀唐號問航儀徵人乾隆甲戌進士官深澤知縣王小村云問航有遺詩一帙其座主陳相國世

宿所
序也

客夜

遊子天涯魂惹親枕上夢魂夢各參差江湖夜迎送安得奮
飛歸笑看含飴弄

王

翊字景宸號瓊園甘泉人乾隆戊辰進士官戶部員外郎叔啟心字築巖號留耕有送景宸句云碧雲

遠幽關心切芳草空
堂入夢來一時稱之

留別友人

客中常閉戶偶出即君家獨闢羊生徑烹餅眼茶幾年勞
地主分手各天涯何日能相憶寒梅正着花

王

聖字我旋
江都人

宿木盧寺

古寺圍黃葉行人度白雲殿空禽自集山迴鹿呼羣
煮茗同

僧話攜柑與客分吁嗟雙倦翻日日望榆枌

丁觀字字若儀
徵人貢生

為漱亭弟題采蘭圖

崇蘭有異姿空山負高格春風散幽香曉露凝叢碧歲寒結
同心不渝似金石東皇競桃李灼灼艷郊陌我來擷孤芳清
氣生几席入室亦已久俱化兩無逆臭味既云同欣然樂晨
夕悠悠世上人誰是親賢客

汪其純字杜參號小函甘泉人歛縣籍乾隆
丙子舉人于鼎任孫著小函吟稿

望棲霞

昔年會向山中住蒼茫猶記山中趣飛泉高瀉嶺頭雲疎鐘
遙度巖前樹今朝山眼為誰青一峰縹緲隔江明波濤萬頃
不得渡日落相思空復情